



МЕСЯЦА СЕНТЯБРЯ В 22-й ДЕНЬ

Святáго священномученика Фóки,
епíскопа Синопíйскаго.
И святáго пророка Ио́ны.
И преподо́бнаго Ио́ны пресвiтера,
отца́ Феофа́на, творца́ канóнов,
и Фео́дора Начертáнных.

В сий же день поётся служба и святáго
апóстола Кодрáта

ВÉЧЕР

На Гóсподи, воззва́х: **стихи́ры апóстола 3, глас 4.**

Подóбен: Звáнный свýше:



ко священноначáльник,/ я́ко божéственный
проповéдник,/ я́ко свидéтель богоизбрáнный/
Страстéй Христóвых/ и хотя́щая явiтися неиз-
речéнные сла́вы/ снаслéдник, Кодрáте сла́вне,/
всемúдро проповéдал еси́/ Евáнгелие Священное свя-
щеннейше/ и сýщия во тьме неведéния световодил
еси́./ Тем чтим, прáзднующе рáдно,/ всесвященную
и святую́ твою́ пáмять, // боно́се блажéнне.

Научiвся Божéственным преслáвно,/ прошéл еси́,
я́ко со́лнце, просвещáя зéмлю/ мóлниями прóповеди,/
священнотáинниче,/ и во мрáце сýщия дýши просвет-
тил еси́,/ и тьмы начáльника тем отгнáв/ и мрáчныя
его́ дéмоны,/ не терпя́щия в тебé живýщия свéтлости,/
и Божéственныя благодáти,/ и дéйства Вседéтельнаго,
блажéнне, Дýха,/ священноначáльниче Кодрáте, //
моли́твенниче о благохвáлящих тя.

Исповéданием Бóжиим укрепля́емь,/ язв же добрó-
тами украшáемь,/ от Афiн отгонiмь, твоея́ пáст-
вы,/ беззакóнными людьми́, всеблажéнне,/ и, я́ко
истóчник спасiтельный,/ зéмлю напоил еси́,/ и плодо-
носна показáл еси́/ оляденéвшая прéжде сердца́/ суеты
омрачéнием,/ я́ко Апóстол и я́ко Христóв учени́к

истиннейший,/ священноначальниче Кодрате, // молебниче о благохвалящих тя.

Ины стихиры священномученика, глас 1.

Подобен: Небесных чинов:

Низложив идольскую суету/ священным твоим словом,/ утвердил еси верою сердца неутвержденная,/ и к жизни, иерарше, путеводил еси,/ и, пострадав законно, // мученик Господень, Фоко, был еси.

Священную одежду/ омочив в крови/ священныя твоея плоти, священнейше отче,/ сугуб венец истинно от Христа приял еси, всеблаженне,/ и со Ангелы ликуеши на Небесех, // моля спастися нам.

Чудес лучами/ всю землю просвещаяеши,/ сущим в мори помогаеши, отче, всегда,/ недуги отгониши всякия души/ и плотския слабости, // от Господа благодать, мучениче Фоко, прием, богоблаженне.

Слава, глас 4, Киприаново:

Измлада был еси Господень рачитель,/ Фоко всеблаженне,/ священномучениче мудре,/ оружие бо крестное на рамена взем,/ неуклонно шествовал еси путь спасения,/ иже Ангелом сожител был еси,/ демонов противоборник // и мира молитвенник явился еси пресветел.

И ныне, Богородичен.

Аще ли средá или пятóк, Крестобогородичен.

Подобен: Званный свыше:

Не рыдай Мене, Мати,/ зрящи на Древе висяща,/ Твоего Сына и Бога,/ над водами повесившаго землю недержно/ и всю тварь создавшаго,/ востану бо, и прославлюся,/ и адова царства сокрушу крепостию,/ и погублю того силу,/ и узники избавлю от того злодейства,/ яко Благоутробен,/ и Отцу Моему приведу, // яко Человеколюбец.

На стиховне Октоиха.

Тропарь апостола, глас 3:

Апостоле святыи Кодрате,/ моли милостиваго Бога,/ да прегрешений оставление // подаст душам нашим.

Тропáрь священномученика, глас 4:

И нра́вом причáстник,/ и престóлом намéстник
апóстолом быв,/ дея́ние обрéл еси́, богодухно-
вénне,/ в видéния восхóд,/ сегó рáди слóво йстины
исправляя,/ и вéры рáди пострадáл еси́ дáже до крóве,/
священномучениче Фóко,/ моли́ Христа́ Бóга, // спа-
сти́ся душáм нáшим.



**Служба пророка Ио́ны и преподóбнаго Ио́ны поётся
на повечéрии.**

Канóн, егóже краегранéсие:

Твоего́ пророка, Христé, пою́ сла́ву. Глас 2.

Песнь 1

Ирмо́с: *Во глубинé постла́ иногда́ / фараонитское все-
вóинство преоружéнная сýла, / воплощшееся же Сло́во
всезло́бный грех потреби́ло есть, / Препросла́вленный
Госпо́дь, // сла́вно бо просла́вился.*

Душе́вное сохрани́в, Ио́но блаже́нне, досто́инство,
боговидный был еси́ о́браз / и премíрное сподóбился
еси́ прообрази́ти Христо́во Воскресéние, / éже песносло́-
вим вси, сла́вно бо просла́вился.

Всячески любóвию к Бóгу преклонíлся еси́, при-
снопа́мятне, / и сия́нии сýщими отгýду просветíлся, /
и проро́к языком велегла́сен от Него́ устро́ен еси́, / пока́-
я́ния врачевствý уча́ спаси́тельному.

Преподóбнаго Ио́ны:

Слугá Бóжий быв, óтче, / сохрани́л еси́, я́ко священ-
ник, Спа́сова повелéния, / мирскóе бо смущéние оста́вил
еси́, крест твой взял, / и жизнóносным стопáм, всебла-
же́нне, последовал еси́.

Спасéния ходата́й, ведýй рáзум богодухновéнный, /
все Писáние благочéстно прошéл еси́, боговещáнная
повелéния навýкая, / Ио́но óтче преподóбне, / священ-
ства отсýду прия́л еси́ достоя́ние.

Богорóдичен: *Воссия́ Сóлнце из Тебе́, Мáти Присно-
де́во, / Иже из Отца́ прэ́жде век невидимый / и видимым
же пресла́вно описýемь Тéлом, / благочéстия зарéю
челове́ки просвети́.*

Песнь 3

Ирмос: *На камени мя веры утвердив,/ разширил еси уста моя на враги моя,/ возвесели бо ся дух мой, внигда пети:/ несть Свят, якоже Бог наш, // и несть праведен паче Тебе, Господи.*

Пророк, предзря силою Божественною/ благодать, переходящую в языки,/ в пучину уныния низведеса, вопия Тебе, Владыко:/ Ты еси Бог наш, и несть праведен паче Тебе, Господи.

Изрек благочестие кораблеником/ и раб Высочайшаго тя самаго научив,/ в пучину ввержен был еси, вопия, пророче славне:/ Ты еси Бог наш, и несть праведен паче Тебе, Господи.

Преподобнаго:

От нас ныне слово похваления плетомо приемля, богонесе,/ радуясь, твоих трудов наслаждаешися, и зовый, преподобне:/ Ты еси Бог наш, и несть праведен паче Тебе, Господи.

Глаголы услышав Владычни,/ оставил еси мир и яже в мире,/ привел еси семя твоё Господу, зовя, преподобне:/ Ты еси Бог наш, и несть праведен паче Тебе, Господи.

Богородичен: Ты едина паче всех сущих от века/ великих сподобилася еси и паче естества,/ Бога бо невместимаго всей твари во утробе понесла еси и воплотила еси./ Тем Богородицу Тя вси почитаем.

Песнь 4

Ирмос: *Пришел еси от Девы не ходатай, ни Ангел,/ но Сам, Господи, воплощся,/ и спас еси всего мя, человека./ Тем зову Ти:// слава силе Твоей, Господи.*

Не терпя зрети людей твоих отпадения, Ионо богоглаголиве,/ тем и бежати произволив, китом ят был еси,/ погребение тридневное, блаженне, прообразуя Христово.

Человеколюбца ведый Владыку,/ не терпяше пророческа дара зрети укоряема,/ тем отлагаше Божие повеление, бежа, богоглаголиве.

Преподобнаго:

Отверзл еси, Ионо богомудре, двери твоя, Аврааму подобяся,/ всем требующим, преподобне,/ тем Небесная Христос отверзает ти врата, всеблаженне.

Всечестное священническое достоинство украсил еси, Ионо блаженне, / и к монашествующих же собранием, радуясь, ты притекл еси, / вседомовно, преблаженне, приводимь.

Богородичен: Исцеляя Евино древнее преступление, / в Тя, Всенепорочную и Всесвятую, вселися, / всего мя человека вообразив падшаго, Пребожественный.

Песнь 5

Ирмос: Просвещение во тьме лежащих, / спасение отчаянных, Христе Спасе мой, / к Тебе утреннюю, Царю мира, / просвети мя сиянием Твоим:// иного бо, разве Тебе, бога не знаю.

Иона, пророк великий, тридневнога бысть проображение / в камени, Христе, погребения Твоего, / имже спасл еси, Слове, верою и любовью Тебе зовущия: / иного, разве Тебе, бога не знаем.

Не терпя презрети, Христе мой, ниневитян, / в рове лежащих греховнем, / но, ущедрив, послал еси им пророка Иону, Владыко, / проповедника, провозвещающего яве покаяние.

Преподобнаго:

Христокрасным просвещаяся житием, Ионо блаженне, / всем честен показался еси, / весть бо истинно добродетель славы совершати сию имущия, / явился бо еси иереи Христов достопрятен.

Силою Божественною укрепляемь, блаженне, / мирскую любовь крепко отвергл еси, / и Владыще, радуясь, пришел еси вольным твоим нравом, / и, сохранив веру невреждимо, венце славы, богомудре, приыл еси.

Богородичен: Едину нам во дву существах видимую Ипостась, / едина Благословенная, раждаеши неизреченно, Божия Бога Слова, / воплотившагося за милость неизреченную. / Того моли сохранитися поющим Тя.

Песнь 6

Ирмос: В бездне греховней валяясь, / неизследную милосердия Твоего призываю бездну:// от тли, Боже, мя возведи.

Яко Иону от кита спасл еси, Спасе, / паче ума неврежденна, / тако и ныне спаси душу мою от сетей зминых.

Спасения ты, пророче, ходатай был еси/ веровавшим
твоему проповеданию ниневитяном, славне,/ покая-
ния возопив проповедание.

Преподобнаго:

Житейских вещей, отче, нестоящее сведый,/ сия
оставив,/ и к возданию потщася жребия горняго, пре-
богате.

Благочестиво монашествующих множества питаая,/
не оставил еси, отче блаженне,/ тем сладости лучшия во
обителех Небесных сподобился еси.

Богородичен: Неискусомужно, Пречистая Дево,
родила еси/ и вечнуеши Дева, являющи истиннаго
Божества,/ Сына и Бога Твоего, образы.

Кондак пророка, глас 2:

Пророк дивен показася,/ Божие повеление прием,/
во образ тридневнаго Воскресения/ в ките тридне-
вен быв,/ неврежден от зверя изыде/ и явися светел
проповедник Ниневии, великому граду./ Сего ради
тя радостно, Ионо, почитаем, // яко человеколюбия
Божия провозвестника.

Седален, глас 4.

Подобен: Скоро предвари:

Пророк быв пришествия Христова,/ Того тридневное,
блаженне, востание яве провозвестил еси,/ в китове
чреве тридневновав невредно, зовя:/ ныне да взыдет
от тли живот мой к Тебе,/ от тления хотящему земныя
избавити.

Песнь 7

Ирмос: Богопротивное веление беззаконнующаго
мучителя/ высок пламень вознесло есть,/ Христос же
простре богочестивым отроком росу духовную, // сый
Благословен и Препрославлен.

Не терпя зрети тебе скорбию и печалию дручима,/
пророче всечестне,/ абие простре ти преславно сень,
ослабу носящу,/ сый Благословен и Препрославлен.

Измлада Творцу Твоему освятился еси,/ Ионо все-
хвальне, богомудре, всеблаженне,/ молитвы бо ты
прозябение быв,/ пророчества благодать Духа прияти
сподобился еси, пребогате.

Преподобнаго:

Избра́нием суда́ украси́лся еси́, / священникъ бывъ,
Ио́но, о́тче преподо́бне, / те́мже вшел еси́ внутрь въш-
няго хра́ма, нехо́дная зря, / твоего́ священноде́йства
плодъ пожа́в.

Оте́ческая возлюбилъ еси́ ликостоя́ния / и в лицахъ
оте́ц радостно просла́вился еси́, / Христу́ предсто́я,
всблаже́нне преподо́бне, / прие́млеши твоего́ служе́-
ния всего́ возда́ние.

Богоро́дичен: О́блакъ Де́ва Тя, Пра́вды Со́лнце, роди́, /
Де́ва пребывши, / дебелости́ плотскія́ приобщившася,
Челове́ка бывша, Христе́, / Ю́же воспева́ем, я́ко пре-
сла́вную.

Песнь 8

Ирмо́с: *В* пещь о́гненную ко отроко́м евре́йскимъ сниз-
ше́дшаго / и пла́мень в росу́ прело́жшаго Бо́га / по́йте,
дела́, я́ко Го́спода, // и превозно́сите во вся ве́ки.

Я́ко в черто́зе, в зве́ре, богоглаго́ливый Ио́но, ру́це
распроте́р, / возопи́л еси́, глаго́ля Всеви́дцу Бо́гу: /
Спа́се мой, от тли мя возведи́, / па́ки да взы́дет ны́не
к Тебе́ живо́т мой.

У́мно́е твоея́ ду́ши очи́стив от скве́рны, / спрimesи́лся
еси́ жела́емому, блаже́нне, / и богови́ден был еси́,
Божество́нным ра́зумомъ обожа́емъ, поя́: / вся дела́,
Го́спода по́йте и превозно́сите во вся ве́ки.

Преподобнаго:

Соверше́нною чи́стою любо́вию Христа́ вожде́лелъ
еси́, священнота́инниче о́тче, / и непреста́нными гла́сы
вопи́ал еси́: / по́йте, вся дела́, Го́спода / и превозно́сите во
вся ве́ки.

Мирску́ю красоту́ оста́вив, во́лею Христу́, блаже́нне,
прише́л еси́, / благоле́пие Того́ жела́я зре́ти, / во обита́ли
святы́я вселя́емъ, / превозно́ся Христа́ во ве́ки.

Богоро́дичен: Священнейши́ми Тя гла́сы священней-
шии Бо́жии проро́цы, Чи́стая, / бу́дущую Ма́терь провоз-
гласи́ша я́сно / все́ми Влады́чествующаго, Пречи́стая, /
Его́же превозно́сим во вся ве́ки.

Песнь 9

Ирмо́с: *Безнача́льна Родите́ля Сынъ, Богъ и Господь, /*
воплоща́ся от Де́вы, нам яви́ся, / омраче́нная просвети́ти,

собрати расточённая.// Тем Всёпетую Богородицу величаём.

Лучами благодати просветівся,/ был еси, Ионо бого-
явленне, Христово проображение,/ тем яко пророка
ты вси, иже благочестиво твоих наслаждающихся все-
мудрых учений,/ благохвалим, досточудне.

Божественными песнями всеблагочестиво поём
ты,/ Христова яко явльшася погребения прообра-
жение/ и Воскресения, блаженне, паче ума знамение
бывшаго,/ егже да насладимся ходатайствы твоими,
богоприятне.

Преподобнаго:

Правовёрный разум благолэпно измлада навбик,/ от
Отца прежде век возсиявшаго Сына/ и спокланяема
Духа, исходяща оттуду неизреченно,/ яве уяснил
еси, святитель быв, преподобне.

Во обителех Небесных Создатель всели ты,/ Того таин
яко служителя честнаго, отче Ионо богоносе,/ и ныне
нас твоя назираеши сыны, всеблаженне,/ ты присно
похваляющия.

Богородичен: Чертог была еси паче ума воплоще-
ния Слова,/ Дево Богородительнице,/ одяна славою
добродетелей и украшена,/ тем Тя, Всенепорочную
Богородицу, величаём.

Стихиры, глас 4.

Подобен: Дал еси знамение:

Зарёю просвещаемь/ Трисолнечнаго Божества,/ Ионо всебогате,/ яко пророк Божий,/ чистым сердцем
пророчества дар/ восприял еси яве,/ и предсказал
еси будущая,/ и Словесе тридневное прописал еси
востание,/ зверю приметаемь// и тления не приём.

Прозря хотящее на языки быти/ Владыки спаситель-
ное, блаженне, осияние,/ бежиши от лица Всецаря,/ сокрываяся, мудре,/ спасущихся Божественных про-
поведи,/ и киту предан был еси,/ губящу ты никакоже,/ и на сушу издался еси// Божественными мановении.

Христово тридневное/ прописуя востание,/ от кита
тридневен изшел еси, блаженне,/ и ещё три дни, Ионо,
возопив,/ и Ниневий возвращению конечному пре-
дастся,/ покаянием же зря/ не совершитися твоей

прóповеди,/ уныва́еши,// Бóжию человеколю́бию удивля́йся.

Сла́ва, и ны́не, Богоро́дичен:

Судию́ пра́веднейшаго поро́ждши, Чи́стая,/ моли́, Влады́чице Всенепоро́чная,/ мене́, блу́дно пожи́вша, осужде́ннаго и недоуме́нна,/ в бу́дущем Стра́шнем Суде́, Де́во, не осуди́ти мя,/ сочета́ти же одесну́ю Егó хотя́щим сто́яти избра́нным,// за ми́лость и мно́гую благости́ню.

А́ще ли средá или́ пятóк, Кресто́богоро́дичен:

Умерщвля́ема ви́дящи Христа́ Всечи́стая Влады́чица/ и умерщвля́юща льсти́ваго,/ я́ко Влады́ку, пла́чущи, поя́ше/ из утробы́ Ея́ проше́дша/ и, долготерпе́нию Егó чудя́щися, взыва́ше:/ Ча́до любе́знейшее,/ не забу́ди Рабы́ Твоея́,/ не укуси́, Человеколю́бче,// Моё утеше́ние.



НА УТРЕНИ

Кано́н Окто́иха еди́н и святы́х два.

Кано́н апо́стола, егóже краегране́сие: Тебе́, Кодрáте вели́кий, похвалу́ плету́. Глас 2.

Песнь 1

Ирмо́с: Гряди́те, лю́дие,/ поим песнь Христу́ Бо́гу,/ раздельше́му мо́ре и наста́вльшему лю́ди,/ я́же изведе́ из рабо́ты египетския́,// я́ко просла́вился.

Венценося́ Царю́ Сил предста́в,/ моли́ озари́ти соверша́ющия па́мять твою́ сию́ све́тло,/ блаже́нне апо́столе.

Назида́я на основáнии ве́ры благочестивых исполне́ние/ крепча́йшими твоими́ учени́и, богоглаго́льниче,/ идо́льскую всю́ лесьть низврати́л еси́.

Священноде́йствуя Священно́е Ева́нгелие свяще́нейшими словесы́ твоими́,/ ду́ши Творцу́ твоemú освяти́л еси́ ве́рою, приснопа́мятне Кодрáте,/ крепо́стию Ду́ха.

Богоро́дичен: От Отрокови́цы плóтию Неискусобра́чныя Творе́ц тва́ри ражда́емь,/ по Рожде́стве, я́ко пре́жде Рожде́ства, Де́ву хранит Ю́,/ я́коже благоволи́.

Ин канон священномученика, егоже краегранесие:
Пѣти тя, Фѳоко, да приложит Бог дар. Иѳсиф. Глас 4.

Песнь 1

Ирмос: *Мѳря чермнѳю пучину/ невлѳжными стопѳми/
дрѳвний пешешествовав Изрѳилъ,/ крестообразными
Моисѳевыми рукама// Амалѳикову силу в пустыни побе-
дилъ есть.*

Пѣти усѳрдствующу днесь божѳственную пѳмѳть твою/
свещѳтельными Дѳха зарѳями дѳшу мою осияй,/ пѳстырь и свидѳтель,
славне, Вседержителя являемъ.

Мѳчеников свѳтло обогатилъ еси, Бѳжие благославие,/ пѳстырскими
украшѳся добрѳтами/ и обагрив крѳвию священнаго страдания твоего
одеѳние, богоблаженне.

Утвердив помысл ѳншими надеждами, всемѳдре,/ в злобе сѳщаго
силна всеконечно разслабил еси/ и победоносец изѳщнейший к
Небѳсным, Фѳоко, востѳкл еси.

Богородичен: Разрѳшися прѳотцев, Чѳстая, запрещѳние,
превѳчнаго бо раждаеши Бѳга,/ младо Отрѳчѳ являющася/
и новотворящаго все человѳческое ѳстинно существо.

Песнь 3

Ирмос: *Утверди нас в Тебѳ, Гѳсподи,/ Дрѳвом умерщвлѳй грех,
и страх Твой всади// в сердца нас, поѳющих Тя.*

Совершѳя страшная, Кодрѳте, чудеса,/ неврѳных в веру
Божѳственную привѳл еси,/ ѳко апѳстол богоприятен, ѳко чѳстен
иерѳрх, священнейше.

Божѳственными учѳнии многия просветилъ еси,/ Свѳта бо слугѳ
явилъ еси, просветившаго концы,/ священноначѳльниче Кодрѳте,
божѳственными сияньми.

Величайших благѳх ходѳтай был еси пѳстве,/ изымѳя сѳю
тьмы неведѳния/ и просвещѳя ту прѳславных чудѳс показаньми.

Богородичен: Вселися в Тя Огнь нестерпѳмый,/ не опалив
утрѳбы Твоеѳ, Богородице,/ и попали страсти наша, и тѳну прѳлести
испепели.

Ин

Ирмос: *Веселѳтся о Тебѳ Цѳрковь Твоя, Христѳе, зовѳщи:
Ты моя крѳпость, Гѳсподи,// и прибѳжище, и утверждѳние.*

Исцеления совершая призыванием Христовым, преподобне,/ от лести вражия спасл еси/ град и люди Божиюю благодатию.

Храм сый Божий,/ идольская капища, мучениче, низвергл еси,/ Вседетельную Силу имея Помощника и Содействителя.

Воинство видено бысть, Фоко, ангельское/ и свет Божий безмерный,/ пред судительными ты престолы Господу прославляюще.

Богородичен: Из Тебе Бог воплотился,/ за благоутробие человеком соединися и клятву разруши,/ едина Всеблагословенная Владычице.

Кондак священномученика, глас 6.

Подобен: Еже о нас:

Яко архиерей принося, отче, жертвы,/ на конец себе принесл еси жертву живую,/ свидетельствовал законно о Христе Боже,/ от Ангел укрепляемь и смерть изволяя,/ сый с вопиющими тебе:// прииди, Фоко, с нами, и никтоже на ны.

Икос:

Жизни на Небесех желающей, сладость на земли попирающе,/ устне очистим и языки уясним на пения и благохваления,/ яко да исплетем достойно Фоке иерарху./ До Небесных бо врат вшед,/ невозбранно обрете во внутренняя шествие/ и зрит желаемого, от Ангелов славиമാго,/ оттуду бо и может нам умиловити Единаго благосердаго душевным недугом,/ яко свидетельствовал о Нем./ Воспеваем убо ему и вопием:/ призирая на ны, прииди, Фоко, с нами, и никтоже на ны.

Седален апостола, глас 3.

Подобен: Красоте девства:

Краснейшаго добротою суща паче сынов человеческих,/ Слово Препебзначальное, воплощенное паче ума, Кодрате, проповедал еси,/ тем просветил еси во тьме сущия,/ свет языком быв яко иерарх божествен./ Тем твоё светоносное торжество верою совершающе, поём ты.

Слава, мученика, глас 1.

Подобен: Гроб Твой:

Яко мученик и пастырь священно прославился еси,/ кровию одежду священства облагив светлейше,/

и Господу предстоиши./ Тем днесь Божия Церковь празднует преславную твою память,/ Фоко всеблаженне.

И ныне, Богородичен:

Надеждо христиан, Пресвятая Дево,/ Егже родила еси Бога паче ума и слова,/ непрестанно моли с вышними Силами,/ дати оставление грехов нам всем и исправление жития,/ верою и любовью присно Тя прославляющим.

Крестобогородичен:

Видящи Тя, Христэ, Всенепорочная Мати/ мертва на Крестэ распостерта, вопияше:/ Сыне мой, Созначальне Отцу и Духу,/ что неизреченное строение сие,/ имже спасл еси пречистых Твоих рук, Щедре, создание?

Песнь 4

Ирмос: Услышах, Господи,/ слух Твоего смотрения/ и прославих Тя, // Едине Человеколюбче.

Земледелав ниву сердечную,/ серпом словес твоих злобы терние все искоренил еси.

Исцелений дары всем нам гроб твой точит,/ священне Кодрате, хвалящим тя.

Милостивно преклоняяся, от злолютых изымаеши бед,/ священне Кодрате, молящих тя.

Свещами словес твоих просвещая прелестию омраченныя,/ и хвратную прелесть всю попалил еси.

Богородичен: От чистых Твоих воплотися кровей Содетель, Богородице,/ и истлевшая вся обновил еси.

Ин

Ирмос: Вознесена Тя видевши Церковь на Крестэ,/ Солнце Праведное,/ ста в чине своем,/ достойно зывающи:// слава силе Твоей, Господи.

Светлейшую ты звезду/ на высоте церковней положи, Фоко, Владыка,/ страданий, священнейше,/ и чудес сияньми всех сердца просвещающа.

Исповедав воплощение Владычне пред мучительским судищем,/ мучениче страстотерпче,/ и светло посрамил еси еллинская чтилища и многобожное безбожие.

Возвышаему морю прелести многобожия бурею,/ Божественным окормлением прешел еси, славне,/ пристанище тишайшее всем быв плавающим.

Богорóдичен: Неискусобрачнaя Дéво Благословéнная, / иерáрхов похвалó и стрaстотéрпцев всех венéц, / бед и скорбéй поющия Тя избáви.

Песнь 5

Ирмóс: Свéта Подáтелю / и веко́в Тво́рче, Го́споди, / во свéте Твои́х повелéний настáви нас, // рáзве бо Тебé, ино́го бо́га не зна́ем.

Чи́стую твою́ ду́шу чи́стéйший Бог селéние Своeя́ сла́вы обрeт, / очища́ет тобою́ ду́ши, осквeрнши́яся лю́тыми грехопадéньми.

Éллинстии мудрецы́, твоими́ побеждéни му́дрыми догмáты, / исповéдати покорíшася, блаже́нне, Христа́ Содeтеля, / Отцá Безначáльнаго Му́дрость и Си́лу.

Провозглаша́я свяще́нно сущую́ челове́ком свeтлость / от Отцá свeтов, Кодрáте, / просветíл еси́ лю́ди чествова́ти и сла́вити Трóицу Нераздéльную.

Богорóдичен: Воплоще́нна нам во дву естества́х Сы́на родила́ еси́, / из Отцá прeжде всех веко́в, Чи́стая, рождéннаго безсе́менно, / безлeтно, я́ко Еди́н весть.

Ин

Ирмóс: Ты, Го́споди, мой Свет, / в мир пришeл еси́, / Свет Святы́й, обраща́яй из мра́чна неведeния // véрою воспeва́ющая Тя.

Шeствия вра́жия я́вственно запя́л еси́, напра́вив твоя́ шeствия / к стезя́м Божeственного хотeния, свяще́ннейше.

Терза́емо рáнами многострада́льное тeло твоe / расторже безбо́жия úзы / Божeственнойоу́ силоу́, Фо́ко богоблаже́нне.

Всецeлое Бо́гу принeслся еси́ заколeние, / пожeрше-муся нас рáди, всехва́льне, / и крова́выя жeртвы идо́льския разорíвшему.

Богорóдичен: Му́дрость Бо́жия создá Себe, о Влады́чице, / от святы́х и чи́стых Твои́х крове́й храм, / я́ко благоволи́.

Песнь 6

Ирмóс: В бeздне грехóвней валя́ясь, / неизслeдную милосeрдия Твоeго́ призыва́ю бeздну: // от тли, Бо́же, мя возведи́.

Высо́кое не́бо был еси́, сла́ву пове́дающее Бо́жию спаси́тельную,/ я́ко иерáрх божéственный,/ я́ко сла́вены, Кодрáте, апóстол.

Еди́но естество́ Божества́ безнача́льное,/ еди́но Госпóдство проповéдуя, всемúдре,/ многобóжия разруши́л еси́, Кодрáте, мра́чное безумие.

Зако́ном естества́ во грóбе твоё тéло, блажéнне, священнейше ны́не лежáщо,/ чудодéйствует преслáвная пáче естества́, Кодрáте приснопáмятне.

Богорóдичен: Не́бо прострýй хотéнием,/ инóе Не́бо на земли́ Тя показá, Богороди́тельнице Влады́чице,/ и Тобóю сýщия во тьме просвети́.

Ин

Ирмос: Пожру́ Ти со глáсом хвалéния, Гóсподи,/ Цéрковь вопиéт Ти,/ от бесóвския крóве очи́щися,/ рáди мило́сти от ребр Твои́х// истéкшею Крóвию.

Мóре безбóжия изсуши́л еси́, всемúдре,/ исто́чник жизни источáяй, учéния преподóбная,/ ны́не же чудéс тучами омывáеши страстéй вся́кое злосмра́дие.

Взятся на дрéве, лю́те раздробляе́мь и изчленяе́мь, блажéнне,/ и глас с высоты́, ты укрепля́ющий, внуши́л еси́,/ священноначáльниче и мучени́че многострада́льне.

Стра́сти Безстра́тнаго, Фóко, уподóбився,/ врачéши стра́сти различныя/ и избавля́еши бұри и трево́лнения пла́вающих,/ к Бо́гу божéственными твоими моли́твами.

Богорóдичен: Я́ко туча, спаси́тельное Сло́во/ исто́щися в нетле́нную Твою́ утробу́,/ Всесвята́я Отрокови́це,/ и зло́бныя пото́ки Божéственною си́лою изсуши́.

Конда́к, глас 8.

Подóбен: Я́ко начáтки:

Я́ко священноначáльника чéстна и страда́льца тверде́йша,/ вселéнная прино́сит Тебе́, Гóсподи, Кодрáта апóстола/ и пéснями почита́ет чéстную егó пáмять,/ прося́щи всегда́ прегрешéний оставлéния// тем дарова́тися пою́щим егó, Благоутрóбне.

И́кос:

Мúдраго иерáрха почти́м, я́ко пáстыря вёрна и учи́теля,/ я́ко во цвётнице страда́ния процветé шипок

священнейший/ и верныя ны облаговони,/ чудес же лучами и деянии добродетельными,/ просвещения исполнив всю землю исцелений светлостями,/ удиви бо его Бог всем почитающим песнями честную его память,/ яко Благоутробен.

Песнь 7

Ирмос: *Образу златому на поле Деире служиму,/ трие твой отроцы небрегоша безбожнаго веления,/ посреде же огня ввержени,/ орошаеми, пояху:// благословен еси, Боже отец наших.*

Возвысив ум к Первому Благу,/ боговиднейший храм Троицы был еси/ и сущия во глубине озлобления возвысил еси высочайшими твоими учении, зовущия:/ благословен еси, Боже отец наших.

Сокрушив храмы идольския молитв раскопаньми,/ создал еси Божественным Духом храмы Божия, священнейше отче,/ и спасаемых множества привел еси, зовущия:/ благословен еси, Боже отец наших.

Огнедохновен сый,/ яко духовный огонь Божественный, всеумдре, в сердцах твоих имея всегда,/ свещи виделся еси, палящая всю хвратную лествицу и вопиющая просвещающая:/ благословен еси, Боже отец наших.

Богородичен: *Избавльшися Тобою клятвы прадедния, Богорадованная,/ добрых вину Тя ведем, яко всевинное рождшую Слово,/ паче ума же и чудесе,/ и вопием Ти, Пречистая, Благословенная, Бога плотию рождшая.*

Ин

Ирмос: *В пещи Авраамстии отроцы персидстей,/ любовью благочестия паче, нежели пламенем,/ опалляеми, взываху:// благословен еси в храме славы Твоея, Господи.*

Ярости мучителей не устрасился еси, славне,/ пастве же представляв словесней,/ яко агнец, принеслся еси Первопастырю Христу,/ мученически, Фоко, прославляемь.

Искушен был еси, яко злато в горниле, мучениче,/ посреде ввержен вапна* пламенвиднаго и никакоже

* Посреде вапна — в известь.

опаляемъ,/ благословѣн еси, Бóже мой, взывáя, в храмѣ славы Твоея, Гóсподи.

Божественная любовь, распалáющи сѣрдце твоѣ,/ божественною росóю тя, славне, сохрани во огни неизнуряема,/ безбóжия же, иерáрше, тину сожигáюща.

Богорóдичен: Согнѣвший душѣ моея дом, Пречѣистая Отроковѣце,/ покаяннiя образы, я́ко Благáя, обновѣ,/ я́же все человѣчество Рождеством Твоим обновѣвшая.

Песнь 8

Ирмос: В пещь óгненную ко отроком еврейским снизшедшаго/ и пламень в росу прелóжшаго Бóга,/ пойте, дела́, я́ко Гóспода, // и превозносите во вся вѣки.

Утверждѣны на умнем Кáмени душевныя имѣя стопы,/ запял еси, блаженне, Господни врагѣ/ и вся, Кодрате, утвердѣл еси поюща/ и превозносяща Христа во вся вѣки.

Украшену добродѣтелями имѣя дúшу и сѣрдце,/ украсил еси слóвом учения дúши,/ избавляя нелѣпоты всякаго идолонействовства,/ Кодрате богоглаголиве.

Я́ко ученик Иисúсов, я́ко апóстол светел,/ я́ко Сóлнца Правды световѣдная мóлния, Кодрате,/ просветѣ, освятѣ совершающа святúю твою пáмять.

Богорóдичен: Священнейшими Тя гласы священнейшии Бóжии, Чѣистая, прорóцы/ бóдущую Мáтерь провозгласѣша ясно/ всѣми Владычествующаго, Пречѣистая,/ Егóже благословѣм во вся вѣки.

Ин

Ирмос: Рúце распротѣр, Даниѣл/ львов зияннiя в рóве затчѣ,/ óгненную же силу угасѣша,/ добродѣтелию препоясавшеса,/ благочѣстия рачѣтели óтроцы, взывáюще:// благословѣте, вся дела́ Господня, Гóспода.

Благодáть во уста твоя, мúдре Фóко, излияся,/ тем обратѣл еси блудяща люди змѣя совѣтом/ и привѣл еси, я́коже пáстырь ѣстинный, Христу зовуща:/ благословѣте, вся дела́ Господня, Гóспода.

Неусыпна имать тя, мúдре, вѣрных собóр молѣтвенника,/ утоляюща мóря волны сверѣпя, напасти же укрощáюща/ и лютых всяческих нас избавляюща, вопиюща:/ благословѣте, вся дела́ Господня, Гóспода.

Струѣ целѣний храм твой трѣбующим тóчит всегда,/ пристáнище являяся неволненное и страстѣй

отгонительное/ тебе почитающим и Христу, мучениче, зовущим:/ благословите, вся дела Господня, Господа.

Да твою чествуем честную, Фоко, память, торжествующе,/ Преблагого Господа умоли усерднейше,/ избавление неудобных нам даровати, вопиющим:/ благословите, вся дела Господня, Господа.

Богородичен: Законныя Тя проображаху/ ковчег и стамна, имущая манну, Пречистая,/ Божественная трапеза, паки же и свещник златозарный,/ во откровение языков Свет породившую,/ просвещающий богознанием земныя концы.

Песнь 9

Ирмос: От Бога Бога Слова неизреченною мудростию/ пришедшаго обновити Адама,/ ядию в тление падшаго люте,/ от Святыя Девы неизреченно воплотившагося нас ради, // вернии, единомудренно песнями величаем.

Украшен разумом красному Владыце предстоиши,/ светлейш присно, яко иерарх богоприятен, яко апостол божествен,/ со всеми апостолами истинно мир миру, Кодрате, испрошая.

Твоих Магнисию имущи раку мощей, яко божественный кивот,/ и от него всяку, Кодрате, пользу исчерпает любовью,/ обители же Небесныя, твою душу имеющая,/ со всеми святыми веселятся.

Светозарный твой день, светоносная твоя память,/ истинно благославный твой праздник всем, яко солнце, возсия,/ юже верно совершаем, Кодрате,/ очищение грехов молящиеся молитвами твоими обрести и велию милость.

Богородичен: Пощади мя, Господи, пощади, егда хощеши судити ми,/ и не осуди мене во огонь, ни яростию Твоею обличи мене:/ молит Тя Дева, Тебе рождающая, Христе,/ апостолов множество и с пророки мученицы.

Ин

Ирмос: Камень нерукосечный/ от несекомыя горы, Тебе, Дево,/ краеугольный отсечется,/ Христос, совокупивый разстоящаяся естества. // Тем веселящаяся, Тя, Богородице, величаем.

Священнословіи божественными,/ священнаго, приидіте, пастыря вси/ всесвященную память священнейше торжествуім,/ благодетелю Богу за ны молящаго.

Явился еси распалѣемъ ревностию Владыки,/ егда, мучениче, в баню разжженную вшел еси,/ в нейже дух твой в Божии рuce/ веселяся, мучениче, предал еси.

Тя иерархов лики, и мучеников собрания,/ и священных апостолов соводворение,/ всех же праведных, мучениче Фоко, души,/ имуще посреде себе, веселятся.

Прострѣся в міре память твоѧ,/ души просвещающіи благохвалѧщих вѣрою подвиги твоѧ,/ и борения, и доблественное страданіе,/ пастырю и мучениче досточудне.

Богородичен: Просвети, Чистая, душу мою, омраченную грехом,/ и вѣчнующаго мя пламене и тьмы избави ходатайством Твоім,/ да Твое, радуяся, восхваляю величество.

Светилен апостола.

Подобен: Духом во святѣлици:

Течение красных твоих ног, Кодрате апостоле, возвратив,/ к шествию Небесному возшел еси радуяся,/ и, Троице представ, во Отце видиши Сына и Духа Божественнаго,/ сего ради вѣрою пресвященную твою и божественную празднуем память.

Слава, священномученика.

Подобен: Небо звездами:

Архиереев слава и нищих защитник/ ты показался еси, богомудре отче,/ и столп добродетелей,/ тем поминай всех поющих тя, Фоко.

Богородичен:

Тя Предстательницу вси имамы, грешнии, о Всесвятая Дево!/ Ты благопременна нам сотвори Сына Твоего/ Матерними Твоими молитвами.

НА ЛИТУРГИИ

Прокімен, глас 7: Честна пред Господем// смерть преподобных Его. **Стих:** Что воздам Господеву о всех, яже воздаде ми? **Апостол ко Евреем, зачало 311.** Аллилуія, **глас 2:** Священницы Твой облечутся в правду, и преподобнии Твой возрадуются. **Евангелие от Иоанна, зачало 36.** **Причастен:** В память вѣчную будет праведник:

Священномученик Фока († 117) родился в городе Синопе. Он с юности вел добродетельную жизнь, а в зрелые годы был поставлен епископом Синопским. Святитель Фока обратил многих язычников к вере Христовой. Во время гонений на христиан при императоре Траяне (98–117) градо-

Святой апостол из числа 70-ти Кодрат († ок. 130) проповедовал Слово Божие в Афинах и в Магнезии (восточный полуостров Фессалии) и был епископом Магнезийским. Святой Кодрат многих язычников обращал к истинной вере во Христа Спасителя, искореняя поклонение идолам и творя чудеса. Видя успех его проповеди, язычники разъярились на святого и бросились на него с камнями, чтобы убить его, как некогда иудеи убили святого первомученика архидиакона

Святой пророк Иона (VIII в. до Р. Х.) был преемником по проповеди ветхозаветного пророка Елисея. Книга пророка Ионы входит в состав Библии, в ней имеются пророчества о судьбах Израильского народа, страданиях Спасителя, запустении Иерусалима, кончине мира и повествование о том, как пророк Иона был послан Господом к ниневитянам с проповедью о покаянии.

Повеление Господа идти с проповедью к нечестивому и враждебному Израильтянам народу показалось очень тяжким пророку Ионе, и он решил бежать от Господа в далекий Фарсис. С этой целью он сел на корабль, но по воле Божией на море поднялась сильная буря, грозившая гибелью всем находившимся на корабле.

Иона осознал свое заблуждение, когда на него выпал жребий, как на виновника бури, в наказание за его непослушание. Он сам просил, чтобы его бросили в морскую пучину для спасения остальных людей, находившихся на корабле. После некоторого колебания моряки выполнили его просьбу, и буря сразу утихла. Иона же был проглочен китом и находился в нем три дня и три ночи, оставаясь живым и молясь Господу с покаянием и надеждой. Наконец Бог повелел киту извергнуть пророка на сушу.

правитель принуждал святителя к отречению от Христа. После жестоких истязаний святого Фоку заперли в горячей бане, где он мученически скончался.

В 404 году мощи святителя были перенесены в Константинополь (память перенесения мощей — 22 июля).

Стефана. Хранимый Богом, святой Кодрат остался жив; тогда его посадили в темницу и долгое время морили голодом. Святой апостол, умерший голодной смертью, был погребен в Магнезии. Известно, что при жизни святой апостол написал в 126 году апологию, представленную им царю Адриану (117–138). После этой апологии император издал указ, в котором было сказано: «Не осуждать никого без улики в преступлении».

Иона благодарил Господа за свое спасение, и Господь опять повторил свое повеление идти ему в Ниневию с проповедью о покаянии.

На этот раз Иона исполнил волю Божию и, придя в Ниневию, обходил улицы этого города со словами: «Еще 40 дней — и Ниневию будет разрушена». Жители города поняли, что Господь дает им время на покаяние; все они от мала до велика стали усердно каяться, наложив на себя пост и молясь о прощении грехов. Даже их царь снял с себя порфирные одежды, оделся во вретище и сидел в пепле, каясь вместе со всеми.

Бог помиловал Ниневию, и город остался цел; пророку же Ионе Господь сказал, что Он отменил Свое определение о разрушении Ниневии и пощадил грешников ради их покаяния и милосердствуя о невинных младенцах, которых много в таком огромном городе.

Пророк Иона вернулся в свое отечество и там оставался вплоть до своей смерти.

Господь наш Иисус Христос в беседе с книжниками и фарисеями, требовавшими от Него знамения, сказал им, что им не дастся иного знамения, кроме знамения Ионы пророка: *Как Иона был во чреве кита три дня и три ночи, так и Сын Человеческий будет в сердце земли*

три дня и три ночи (Мф. 12, 39–40). Из этих слов Господа становится ясным прообразовательное значение Книги пророка Ионы по отношению к Крестной смерти, сошествию во ад и Воскресению Господа Иисуса Христа.

Преподобный Иона пресвитер (IX в.) жил в Палестине, проводя добродетельную и богоугодную жизнь. Он состоял в браке и имел двух сыновей, прославленных Церковью, как доблестных исповедников и борцов за православную веру во время разгара иконоборческой ереси, — Феодора (память 27 декабря) и Феофана (память 11 октября) Начертанных. Начертанными святыне братья именуются потому, что они перенесли

Обличая нераскаянность и упорство иудеев, Господь сказал: *Ниневитяне восстанут на суд с родом сим и осудят его, ибо они покаялись от проповеди Иониной; и вот, здесь больше Ионы* (Мф. 12, 41).

следующее истязание: им на лицах раскаленными иглами начертали порождающие слова. После смерти своей супруги святой Иона пресвитер удалился в Лавру преподобного Саввы Освященного, где еще раньше приняли монашество оба его сына; приняв и сам иноческий постриг, святой Иона подвизался в Лавре вплоть до своей смерти. Господь послал ему благодатный дар врачевания. Кончина его была мирной.



В
ТОЙЖЕ
ДЕНЬ

Преподобнаго отца нашего Макария Жабынского, Белевскаго

Службу зри 22 января.

Тропарь, глас 4:

От мирскаго жития изшед, / в тихое пристанище жизни иноческа, преподобне Макарие, вшел еси, / в нейже добре подвизався, / душу твою добродетельми превысокими обогатил еси / и явился еси добрый пастырь и учитель иноческому собору, / емуже и обитель возградил еси, / также в безмолвие вшед и боговидения сподобився, / ко Господу преставился еси, / Иже даром чудес ты обогати. / Егоже ныне моли, // да спасет верою и любовью почитающих святую память твою.

Кондак, глас 8:

Житие чистое, терпение, кратость и любовь нелицемерну, / воздержание совершенное, умиление божественное, / веру же и надежду истинну и милосердие стяжав, / равноангельно, Макарие, на земли пожил еси / и на Небесех Богови с лики безплотных предстоиши. / С нимиже, святе, молися, мир Российстей Церкви даровати // и душам нашим велию милость.

Житие и иконописную прорись преподобного Макария Жабынского

смотри 22 января (Минея январь. Ч. 2. С. 274–276).



Преподобнаго отца нашего Ионы Яшезерскаго

Молитва

О преподобне и богоносне отче наш Ионо! Ты, поработати Господеви желая, zde вселился еси, и неленостно во трудех, во бдениих, в молитвах и постех подвижался еси, и был еси наставник монашествующим, всем же людем учитель ревностный. Ныне убо, по отшествии твоём от земных, Небесному Царю предстоя, моли благость Его, еже ущедрити место селения нашего, святыи храм сей, идеже духом любви твоеей неотступно пребываеши, и всем людем твоим, с верою к тебе припадающим, во благая прошения их исполнити. Испроси у милостиваго Господа нашего, да низпослет нам обилие благ земных, паче же яже на пользу душ наших да дарует нам, и скончати житие сие привременное в покаянии да сподобит, в День же Судный деснаго предстояния и наслаждения во Царствии Своем да удостоит во веки веков. **Аминь.**

Преподобный Иона Яшезерский был родом из села Шокши, находившегося в 16 верстах от основанной им Яшезерской пустыни (78 верст к юго-западу от Петрозаводска). Основание обители было положено преподобным в начале 80-х годов XVI столетия. В монастыре была устроена церковь в честь Благовещения Пресвятой Богородицы с приделом во имя святителя Николая Чудотворца. К этому времени братия пустыни состояла из восьми человек. Все несли равные труды в устройстве обители: известно, что преподобный сам прокопал канаву

из Яш-озера в соседнее озеро Сенное, чтобы было удобнее ловить рыбу; вытаскивал из дерева священные сосуды. По нуждам обители он объездил верхом на лошади всю каменистую и глухую окрестность. Святость жизни преподобного Ионы привлекала к попечению обители, несмотря на ее удаленность, многих знатных покровителей, жертвовавших пустыни столь необходимые для нее богослужебные книги. Тесная связь существовала у пустыни и с Соловецким монастырем. Скончался преподобный Иона в конце XVI века (1589–1592).

